



**Äntwert vum Minister fir Ëmwelt, Klima a Biodiversitéit op d'parlamentaresch Fro n° 3621 vum 9. Februar 2026 vum éierewäerten Deputéierten Här Dan Biancalana iwwert „Green Events“**

**Gouf et während dem Wiessel vum Cogestionnaire Evenementer déi begleet goufen?**

**Wa jo, wéi vill? A wéi sinn déi iwwert de Wiessel informéiert ginn?**

D'Bestriewungen, fir trotz der kuerzfristeger Annonce vum Oekozynter Pafendall de Projet net méi weider ze féieren, ware fir e neie Gestionnaire ze fannen an déi Transitioun beschtméiglechst ze begleeden. Mat der Emwältberodung Lëtzebuerg asbl (EBL) konnt och e neie Gestionnaire identifizéiert ginn. Insgesamt huet d'EBL am Zäitraum vum 1. November 2025 bis den 31. Dezember 2025 5 oppen Dossieren iwwerholl, an 8 nei Dossieren goufe säit Januar 2026 vun der EBL opgemaach.

Den Oekozynter Pafendall huet an der Schlussphase d'Organisateuren, déi an enger Prozedur waren, dorop higewisen, datt si ab dem 1. Januar 2026 eng nei Ulaftell hunn. Donieft ass de Wiessel am Januar 2026 vum Gestionnaire iwwert ee Communiqué vum Ministère fir Ëmwelt, Klima a Biodiversitéit (MECB), d' Websäit vun der EBL, d' Websäit vu Green Events ([www.greenevents.lu](http://www.greenevents.lu)) an och d'sozial Medie vun der EBL an der SuperDrecksKëscht proaktiv no bausse kommunizéiert ginn. Des Weideren huet d'EBL d'Gemengen ugeschriwwen, fir si iwwer de Changement ze informéieren, an dës Informatioun iwwer hier jeeweileg Kanäl un d'Bierger ze droen.

**Kommen nach aner Changementer op de „Green Events“ Projet duer?**

**Wa jo, wéini a wéi ginn déi kommunizéiert?**

Et gëtt op d'Äntwert zur leschter Fro verwisen.

**Wéi vill Evenementer kruten, opgeschlësselt op d'Joren tëschent 2023 an 2025 de Logo „Green Events“? Wéi vill kruten de Logo „Mir engagéieren eis“?**

**Wéi vill waren vu Gemengen organiséiert? Wéi vill vu Veräiner?**

**Wéi vill Evenementer goufen an deene Joren vu Beroder vun der SuperDrecksKëscht an/oder dem Oekozynter Pafendall begleet?**

Den éischten Tableau gëtt, opgeschlësselt op d'Joren tëschent 2023 an 2025, d'Unzuel vun Evenementer un, déi de Logo „Green Events“ respektiv de Logo „Mir engagéieren eis“ krit hunn. Den Tableau weist och wéivill Green Events vun de Gemenge respektiv vun de Veräiner an dese Joren organiséiert goufen. Des Weidere gëtt den Tableau och d'Unzuel vu Berodungen, déi tëschent 2023 an 2025 realiséiert goufen, un.

	Berodungen	Green Event	Mir engagéieren eis	Gemengen	Veräiner
2023	203	160	7	36	124
2024	415	364	5	53	311
2025	242	199	3	56	143

Tableau 1

**Wéi vill Leit hunn, opgeschlësselt op d'Joer 2023 bis 2025 e „Green Event“ oder „Mir engagéieren eis“ Evenement besicht?**

Et sinn de Gestionnairen an dem MECB keng Zuele bekannt, wéivill Leit an de Joren 2023, 2024 an 2025 e Green Event oder en Event, wat mam Logo „Mir engagéieren eis“ ausgezeechent gouf, besicht hunn.

**Wéi vill Informatiounssätzungen an Ateliere sinn 2025 organiséiert ginn?**

**Wéi vill Verrieder vu Gemengen a lokale Veräiner hu bei dësen Informatiounssätzungen an Ateliere matgemaach?**

Den zweeten Tableau weist, opgeschlësselt op d'Joren tëschent 2023 an 2025, d'Unzuel vun den Ateliere an Informatiounssätzungen déi organiséiert goufen, souwéi d'Unzuel u Verrieder vu Gemengen a lokale Veräiner, déi un dësen deelgeholl hunn.

	<b>Workshops &amp; Informatiounsseancen</b>	<b>Participanten Workshops</b>
2023	16	505
2024	15	454
2025	3	50

Tableau 2

**Wat ass zënter der Verëffentlechung vum Bilan geschitt fir déi identifizéierte Problemer ze behiewen?**

Et gouf op d'Erfahrung an dem Retour vun de Gestionnairen hi festgestallt, dass d'Mise en Place vun engem „Mehrwegsystem“ kee reelle Problem um Terrain duerstellt. D'Beroder stelle fest, dass et souwuel an de Gemengen, wéi och an der Privatwirtschaft an deene leschte Jore vill Initiative goufen, déi den Asaz vu „Mehrweg“ an der Praxis vereinfache respektiv féerden.

Fir d'Gemenge bei der Ëmsetzung vu „Mehrwegsystemer“ ze ënnerstëtzen, huet de MECB d'Méiglechkeet fir Subside fir Spullweenecher a Spullstroossen unzefroen agefouert. Et ass ze bemierken, dass de Gebrauch vun Ewee-Geschier ,konform zum Offallgesetz, progressiv op ëffentlechen Evenementer reduzéiert soll ginn.

**Wat fir aner Ännerunge kommen nach op d'„Green Events“ duer a wéini ginn se kommunizéiert?**

Et si momentan keng déifgräifend Ännerunge geplangt, mee de Projet gëtt während senger gesamter Lafzäit evaluéiert a falls noutwendeg mat de Prestatairen adaptéiert. Am Fall vun Ännerungen déi fir d'Organisateure vun Evenementer an d'Gemenge relevant sinn, ass virgesinn, dass dëst kommunizéiert gëtt.

D'Prestatairen hunn den Optrag de Projet weider ze entwéckelen an de neie Gestionnaire huet sech ënnert anerem als Zil gesat fir ze analyséieren, wou et Méiglechkeete gi fir de „Mehrweg“ an Zukunft nach méi einfach ubidden ze kënnen.

Lëtzebuerg, den 12. März 2026  
(s.) Serge Wilmes  
Minister fir Ëmwelt, Klima a Biodiversitéit